

# - Kommunen nyttar barnevernsmeldingar som re

**AURLAND:** Advokat Sigurd Klomsæt kjem med harde skuldingar mot Aurland kommune. No går det mot rettssak.

OLE RAMSHUS SÆLTHUN  
ole.saelthun@sognavis.no

- Brukarane blir umyndiggjorte og kommunen står tilbake som uangripelege, skriv advokat Sigurd Klomsæt i ein e-post til Sogn Avis.

Advokatfirmaet Klomsæt, Mæland & Co representerer to familiær i sakene som har vore oppe i kontrollutvalet og kommunestyret i Aurland nyleg. Spørsmålet har vore om saken, som har utspring i barnevernsmeldingar frå kommunen, skal granskast.

Debatterte heftig og lenge om gransking: - I ein domstol det eventuelt høyrer heime

Advokat Sigurd Klomsæt: - Fleire brot på norsk lovgjeving som er gjort bevisst

Barnevernsmeldingar er sentrale i begge sakene.

- Kommuneadministrasjonen nyttar barnevernsmeldingar som rein hemn. Dette har begge familiene me representerer møtt. Når kommunen får standhaftige klagar på sine tenester, blir dei møtte med trumfkortet i Aurland kommune sitt repertoar - usaklege barnevernsmeldingar, skriv Klomsæt.

## - Krenking av menneskerettar

Vidare nemner han at hjelpetilka som vart tilbydd og argumentasjonen rundt desse har vorte ein sentral del av saka.

- I begge tilfella er hjelpetilka hjelpeause med dårleg fagleg forankring, skriv Klomsæt.

Poenget til advokaten handlar om saksgrunnlaget til kontrollutvalet, der hovudkonklusjonen var å ikkje tilrå gransking. Klomsæt reagerer argumentasjonen slik han oppfattar den: fordi det vart tilbydd hjelpetiltak i ettermakt, var bekymringsmeldingane frå kommunen til barnevernet rettkomne. Dette meiner Klomsæt altså blir heilt feil.

- Det er i seg sjølv ei alvorleg krenking av våre klientar sine menneskerettar. Dette skapar ein sirkelreferanse der brukarane si faktiske framferd blir ute lukka frå argumentasjonsrekja, skriv Klomsæt.

- Det medfører at forvaltinga sin eigenopplevd fortreflelseheit dannar grunnlaget for dei ra konklusjonar. Såleis blir brukarane umyndiggjorde og kom-



**VANSKELEG SAK:** Ordførar Trygve Skjerdal blir skulda av advokat Sigurd Klomsæt for å handsama spørsmålet om habiliteten sin feil. Biletet er frå kommunestyremøtet før jul der granskingssaka vart handsama, då sa han dette om lagnaden i vanskelege saker som er omfatta av teieplikt.: - Me kan skytast og halshoggast i pressa og andre plassar, dei kan herja med oss som dei vil, men me kan ikkje seia noko til vårt forvar.

FOTO: BJØRN SØLSNÆS (ARKIV)

munen står tilbake som uangripelege, held han fram.

## - Bør ha velfylte ringpermars

Klomsæt opplyser at Aurland kommune kan venta seg ei stemning i nær framtid der hovudmomentet er uretteleg bruk av barnevernsmelding, altså myndighetsmisbruk.

- I begge tilfella er det manglar ved kommunen sitt tenestetilbod eller kjent sjukdom som er problemet barnevernet finn. Men først etter å ha slept familiene gjennom ei unødig langdryg sakshandsaming. Det er altså ikkje omsorgsevna til familiene som er problemet, men kommunen sjølv, skriv advokaten.

Han skriv også at familiene advokatkontoret representerer har teke vare på dokumentasjon, og held fram slik:

- Det er nemleg viktig om du skal bu i Aurland. Me torer ikkje å tenkja på kva som kunne ha vorte alternativet. Barnefamiliar i Aurland bør ha velfylte ringpermars. Elles er det nok litt skummelt å bu i Aurland. Du veit jo ikkje heilt når de kjem på kant med kommunen.

## - Indikerer eit vedvarande problem

- De kjem med temmeleg hard kritikk av Aurland kommune, og seier at barnefamiliar i Aurland generelt må vera på vakt på bakgrunn av opplevingane klientane dykkar hevdar å ha hatt. Kan dette vera å generalisera meir enn det er grunnlag for?

- Det er usannsynleg at dette vil bli eit generelt problem for barnefamiliar, men ser ein på samanhengen mellom dei sakene som våre klientar opple-

ver, er fellesnemnaren at dei kritiserer nokre av tenestene som Aurland kommune tilbyr. Deretter at dei blir utsette for bekymringsmeldingar som ikkje kan forankrast i deira omsorgsevne, skriv Klomsæt som svar på spørsmålet frå Sogn Avis.

Vidare svarar Klomsæt at dei i standpunkt er at dette handlar om myndighetsmisbruk.

- Våre klientar har rettmessig kritikk av kommunen. Det har Statsforvaltaren stadfestat. Men sjølv om det for andre saker ikkje skulle vera rettmessig kritikk av kommunen, er det uansett ikkje greitt å bruka barnevernsmeldingar på ein slik måte. Det er usakleg. Og det kan få omfattande konsekvensar.

Han meiner også grunnlaget for påstandane blir styrkt av at det er snakk om to saker og at begge hevdar å ha erfart det same over tid.

- Det, i alle fall, indikerer eit vedvarande problem, skriv Klomsæt.

## «Grums»

Advokat Klomsæt rettar også sterkt kritikk mot ordførar Trygve Skjerdal si handsaming av saka. Grunna relasjon til ein av dei tilsette i Aurland kommune, som har vore sentral i sjølve meldingssaka, har det vorte stilt spørsmål ved Skjerdal sin habilitet.

- Ordføraren har sidan første gong dette blei teke opp, i desember 2020, jobba aktivt for at det ikkje skal gjennomførast ei gransking av desse sakene, skriv Klomsæt.

Habiliteten vart også drøfta i kommunestyremøtet 11. februar, då med opphav i eit brev sendt frå advokatkontoret til



alle kommunestyrepresentantane dagen før møtet. Kommunestyret røysta også til slutt over habiliteten til ordføraren, og fann han samrøystes gild. Skjerdal sjølv gjekk frå møtet under røystinga, men Klomsæt meiner det vart gjort feil i handsaminga likevel fordi ordføraren deltok i debatten.

- «Det er sikkert litt grums å finna» sa ordføraren, men meiner at ein må stola på kommunen, skriv Klomsæt.

## Kritiserer også siste runde i kommunestyret

På spørsmål frå Sogn Avis om

Klomsæt meiner det vart gjort regelbrot under handsaminga av habilitetsspørsmålet viser han til forvaltingslova, som seier at den det er stilt spørsmål om habiliteten til ikkje skal delta når avgjersla blir treft.

- Det er her openert at å treffa avgjerda også inkluderer sjølv drøftinga av problemet. I tillegg blir sonen hans råka av habilitetsreglane etter forvaltingslova. Han var med på å stemma over faren sin habilitet, skriv Klomsæt.

Klomsæt meiner dette vil kunna føra til at vedtaket om kommunen skal setja i verk

# arne- ein hemn



**KRITISK:** - Det er ikkje omsorgsevna til familiene som er problemet, men kommunen sjølv, hevdar advokat Sigurd Klomsæt.

FOTO: ADVOKATFIRMAET KLOMSÆT, MÆLAND & CO

gransking blir gjort ugyldig, utan at han konkluderer endelig her.

## Har rådført seg med KS om habilitet

Aurland kommune ved ordførar Trygve Skjerdal er førelagt utspela frå advokat Sigurd Klomsæt. Skjerdal seier han, på vegner av kommunen, ikkje vil kommentera utspela som går på barnevernsmeldingane og innhaldet i saka elles, slik saka står no.

Når det gjeld utspela frå Klomsæt kring Skjerdal sin habilitet og påstanden om at han

har «jobba aktivt for at det ikkje skal gjennomførast ei gransking av desse sakene» framhevar Skjerdal at det er gjort vurderingar kring habiliteten hans. Han viser til konsulentfirmaet PWC, som oppfyller sekretariatsfunksjonen til kontrollutvalet. PWC stadfestar sjølv at deira habilitetsvurdering vart gjort som følger:

«I vurderinga av habilitets-spørsmålet har ein rådført seg med advokat i KS (Kommunenes Sentralforbund). For å vurdere habilitetsspørsmålet, er det vedtaket i kommunestyret

i seg sjølv som legg føringar for kor vidt ein person er part i saka, eller av andre årsaker må vurderast som inhabil. I dette tilfellet vart ordførar sin habilitet problematisert i samband med ei enkelsak, der han ikkje sjølv er part i saka.

Spørsmålet kommunestyret skulle handsame var kor vidt det skulle setjast i verk gransking, og i relasjon til dette gjorde spørsmålet om habilitet seg ikkje gjeldande. Dette var hovudmomenta i vurderinga».

# VURDERT FISK, ELLER?

GODT FOR SYN, STYRKE  
OG HUKOMMELSE

139<sup>00</sup>



## SKREIFILET

Helseide, Lerøy, pr. kg

Vi tar forbehold om fangst og værforhold.



Pr pakke  
69<sup>00</sup>

## LAKSEFILET M/SKINN ØRRETFILET M/SKINN

4 x 100 g Lerøy, pr. kg 172,50

15%  
BONUS

Bli KIWI PLUSS-kunde  
og få 15% BONUS på  
all fersk frukt og  
grønt og all  
ferskpakket fisk



Se kiwi.no

69<sup>90</sup>

## TORSKEFILET PANKOPANERT

350 g Lerøy, pr. kg 199,71

KIWI PRISLØFT  
“VI GIR OSS  
ALDRI  
PÅ PRIS!”

**KIWI** mini  
pris

Kjøp kjapt, trygt og billig